

醫學秘奧
十

耳門癰受在肝經毒氣傳注血不周流此是惡毒
症也當用煎藥治之

耳根癰受在腎經絡怒氣傷心凝滯肝經風熱壅
盛成毒也當用眉風藥治之

頰上者不爲風 頰下者要成漏瘡此症不可輕
易用眉風藥治之可也

用前清肝流氣飲活法施治之

發耳



其瘡生於耳邊又名熱毒發疽五六月間漸長如蜂窠皮紫者亦熱諸處如火燒痛不可忍十日可刺無膿者十一日死若瘡不硬刺見白膿者不死黃膿出者不死無時出鮮血者及赤膿者死食不知味多謊語者亦死在二十日之間便見凶吉煎藥用千金內托散隨時增損之



項疽毒



此毒因五臟受毒氣擁血枯伏在風府之間惡症

也當用敗毒流氣飲治之後用內托流氣飲

敗毒流氣飲

紫蘇

桔梗

甘草

川芎

小柴胡

青皮

枳殼

防風

羌活

白芷

芍藥

當歸

連翹

獨活

右水姜三枣一煎服

後服內托流氣飲

人參

黃芪

厚朴

甘草

紫蘇

桔梗

枳殼

官桂

檳榔

烏藥

當歸

防風

白芷

芍藥

川芎

柴胡

煎同前

婦人加香附

夏天去官桂加麥冬

風毒頸癰



一人肥壯素能飲酒酷暑遠行酒醉居于舟中卧
于風內又爲日色暑氣相侵并有七情所干歸家
不免于色慾頸項間忽痛如失枕之狀其名曰何
乃風熱鎖喉毒也久則紅色遶于肩背堅硬難消
急服清暑疎風散

清暑疎風散

羌活

防風

荆芥

升麻

甘草

乾葛

蒼朮

厚朴

川芎

當歸

白芍

獨活

白芷

桔梗

紫蘇

大柴胡

薄荷

薄桂

枳殼

蔓荊子

本香

藁本

水二鍾姜七片葱白三根濃煎熱服隨飲好酒以
助藥力以衣覆患上出汗為要次用圍藥并服千
金托裏散加疎風清暑之劑

發願毒 一名流注



此毒傷寒後餘毒不散汗發不透故發此疽在頭

耳一寸三分在心窩兩肋在身者可治在耳後相連咽喉恐毒氣內攻難進飲食藥餌鼻流清膿兩耳閉塞者即死無生矣用前二十四味流氣飲熱服以出其汗次服千金內托散惠上用鐵箍散將姜汁好醋加蜜少許和勻火上熬熱調藥搽四向空中出毒時用餘汁溫潤之

千金內托散

桔梗

厚朴

白芷

防風

人參

黃芪

川芎

甘草

當歸

官桂

黃芩

白朮

煎服

不換金散

半夏

厚朴

蒼朮

陳皮

人參

藿香

茯苓

木香

後再服乳香護心丸

仍貼金絲膏



穿腮



一名骨槽風一名穿珠一名附骨一名穿喉一名
牙槽風

此毒因憂思驚慮太陽受症結于大腸之間邪毒
交生灌于經絡之內初起生于耳下及項間隱
皮膚之內畧有小核漸長如李子之狀便覺紅腫
或上或下或左或右牙關口噤不開急用鷲毛攪
出風痰即服驅風破毒散立愈

驅風破毒散

白凡

巴豆

去壳油

紅內硝

草烏尖

猪牙皂角

薄荷

各等分

右爲細末吹之

又方

天麻

防風

草烏

萆撥

細辛

乳香

川芎

朋砂

薄荷

射香

溫水嗽口或鼻內吹之

此症小兒亦生者其故何也稟氣虛弱感風寒暑
熱相結成疳或恣食肥甘生冷甜物餘穢積成于
牙縫不能滌洗去垢漸爛至臭膿血淋漓日久則
氣血凝滯結成多骨而出甚至爛漫穿腮急用珍
珠冰片散搽之

珍珠冰片散

珍珠 一分

紅絨末 一分

人中白 一分 煨一分

枯凡 二分

鷄內金

煨存性 一分

冰片

五分

射香 二分

銅青 一分

青錠 一分

黃連末 一分

孩兒茶 一分

細芽茶 一分

右爲細末先用蚌水繳淨患處每摻入之一日夜
一二十次之方愈男婦亦然并服煎劑

清熱消瘡散

乾葛

升麻

生草

貝母

黃連

黃芩

茯苓

桔梗

薄荷

防風

荊芥

羌活

青皮

丹皮

當歸

白芍

生地

鼠粘子

水二鍾燈心三十莖煎服

虛加人參白朮年久加草龍膽

熱加柴胡前胡